



Kakien eo an public health ej jolok mennin aikuj ko ikijen ekōnak kein kalbubu iturin māj ilo jikin taktō ko

Oregon Health Authority (OHA) ear kōwebben juon kakien kin kein kalbubu iturin māj ilo jikin taktō ko ilo Janwode 31, 2022. OAR 333-019-1011. Iomwin kakien eo Ritel eo an Public Health an State ak Opija in Public Health eo an State emaron lelok juon kakien ej jolok mennin aikuj ko ñan ekōnak kein kalbubu iturin māj ilo jikin taktō ko elañe mennin aikuj ko ejako aer aikuj ñan kejbarok COVID-19.

Jen Ebrol 3, 2023, ejako an jejjet kutien mennin aikuj ko ñan ekōnak kein kalbubu iturin māj ilo jikin taktō ko ilo OAR 333-019-1011. Mennin aikuj ko ikijen ekōnak kein kalbubu iturin māj ilo jikin taktō ko ejako aikuj kin an diklok jorrāñ eo.kin COVID-19 ilo Oregon ilo eloñ wāween ko. OHA ear lale jejjetin mennin aikuj ko, elañe renaj tōbrak, rekkar kwalok ke edik joñan uwōta ñan an ajeeded nañinmij ñan kōmelim ad jab aikuj ekōnak kein kalbubu iturin māj ilo jikin taktō ko. Mennin aikuj kein ekoba bōtab ejab jemlok wōt ñan:

Emōj an diklok teej ko rej kaalikaer ewōr nañinmij COVID-19 im ediklok jen 10% iomwin ruo wiik kaju, ekkar ñan melele ko rekkar itok jen ripoot ko rej walok ilo kein jermal kapeel in raan kein jen jikin kakōlkōl eo ilo Oregon; im

Emōj an diklok teej ko rej kaalikaer ewōr nañinmij in būlu im rediklok jen 5% iomwin ruo wiik kaju, ekkar ñan melele ko rekkar itok jen armij rekkar bōk kwōnaer ilo Kein Jermal eo ej Lale Nañinmij im Nañinmij in Emmenono ko ilo Aoleben Oregon (Oregon National Respiratory and Enteric Virus Surveillance System, NREVSS); im

Emōj an diklok teej ko rej kaalikaer ewōr nañinmij in emmenono ko (Respiratory Syncytial Virus, RSV) im rediklok jen 10% (teej ej lale mottan naninmij eo ej letok kein bōbrae) im diklok jen 3% (teej ej ej kabōk kij) iomwin ruo wiik kaju, ekkar ñan melele ko rekkar itok jen armij ro rekkar bōk kwōnaer ilo NREVSS.

Emōj an Oregon kōtōbrak aoleb mennin aikuj kein.

OHA ej rōjañ an aoleb armij elab joñan uwōta in aer bōk nañinmij kauwōtata im deloñ aujbitol, elabtata ilo jukjukinnbed ko elablok joñan an ajeeded nañinmij, bwe ren wōnmaanlok in ekōnak kein kalbubu iturin māj ilo jikin taktō ko. OHA ej rōjañ an armij wōnmaanlok in ekōnak kein kalbubu iturin māj ilo jikin taktō ko:

Ro emōj aer wā,

Ro emojno an enwbinnier maron bōbrae jen nañinmij,

Ro ewōr kadede aer nañinmij,

Ro 65 aer yiō im rūttolok, ak

Ro rej jokwe ibben ro elab joñan uwōta in aer bōk nañinmij kauwōtata.


OHA enaj woñmaanlok in jermal ñan kōlablok an armij maron bōke wā ko, kein kalbubu iturin māj ko emmon joñaer, teej im wūno in kōmadmōd ilo jukjukinbed ko elab aer kar jorrān kin COVID-19.

Ejellok mo ilo kakien ñan an juon opij in kien, bijnej, ak jikin jermal aikuj an kajojo armij ekōnak kein kalbubu iturin māj. Kajojo armij ro rekōnaan woñmaanlok in ekōnak kein kalbubu iturin māj ñan kejbarok jen COVID-19 remaron kōnake ilo aer kōnaan.

Emōj je ilo raan in ej 3 raan in Ebrol 2023.



Rachael Banks
Ritel eo an Public Health
Oregon Health Authority
OPIJ EO AN PUBLIC HEALTH



Dean Sidelinger
Obija in Ejmour im Epidemiologist eo an State
Oregon Health Authority
OPIJ EO AN PUBLIC HEALTH

Maroñ riiti peba in: Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōnaan. Kall ae lok jikin eo ej Bōbrae jen Nañinmij Kauwōtata im Kabobo ilo 971-673-1111 ek email ñan ohd.acdp@state.or.us. OHA ej ebōk aolep kall ko an ro rejaroñroñ im pilo ñe ejab kwōmaroñ jibed 711.